



Bošnjačko nacionalno vijeće u Republici Srbiji
Bosniac National Council in the Republic of Serbia
Национални савет бошњачке националне мањине

REPUBLIKA TURSKA
NJ.E. Redžep Tayyip Erdogan, predsjednik Republike Turske

U Novom Pazaru 14.08. 2020. godine
RB 555-01/2020

Vaša Ekselencijo, predsjedniče Erdoan,

U ime Bošnjačkog nacionalnog vijeća, najvišeg političkog i predstavničkog tijela koje odražava nacionalno jedinstvo bošnjačkog naroda u Sandžaku koristim priliku da Vas upoznam sa aktuelnom društvenom i političkom situacijom u Sandžaku nakon održanih izbora u Srbiji od 21. juna ove godine.

Polazeći od činjenice da prava i obaveze čine neodvojivu cjelinu, bošnjačke stranke u Sandžaku koje na izborima koriste povoljnosti koje po zakonu pripadaju manjinama, imaju obavezu da rezultate dobijene bošnjačkim glasovima koriste za dobrobit svojih glasača.

Napominjemo da bošnjačke stranke na nivou Sandžaka eksploatišu oko 70% glasova pa su samim tim najodgovornije za stanje u Sandžaku.

Činjenica je da već skoro dvije decenije nijedna politička stranka u Sandžaku pojedninačno nema dovoljno izbornog legitimiteta niti snagu da bilo šta sama učini za Sandžak i bošnjački narod.

Smatramo da će, ukoliko te stranke ne udruže ostvarene izborne rezultate, obezvrijedit vrijednost glasova birača koji predstavljaju najveći politički kapital u demokratskom društvu.

Polazeći od navedenih činjenica Vijeće je 22. jula 2020. godine uputilo svim bošnjačkim političkim strankama u Sandžaku pisanu inicijativu za udruživanje izbornih rezultata u cilju formiranja bošnjačkog bloka, poslaničkog kluba u Skupštini Srbije i stabilnih skupštinskih većina u opštinama Sandžaka.

Nakon ove inicijative i održanih sastanaka sa predstavnicima bošnjačkih stranaka koje su se odazvale našem pozivu, Bošnjačko nacionalno vijeće je jedino od SDA Sandžaka dobilo pisani prijedlog sporazuma o udruživanju izbornih rezultata i realizaciji naše inicijative.

Nažalost, održavanje konstitutivnih sjednica skupština u Sandžaku pokazuje da inicijativa Vijeća za udruživanje izbornih rezultata, za sada, nije dala željene rezultate.

U ime Vijeća, najvišeg političkog i predstavničkog tijela koje odražava nacionalno jedinstvo bošnjačkog naroda u Sandžaku, Vas molim da iskoristite Vaš autoritet i pomognete i motivišite bošnjačke stranke da ujedine izborne rezultate u interesu građana Sandžaka.

Primite izraze našeg poštovanja.



Predsjednica
Dr. Jasmina Curić